

佛經精華錄箋注



丁福保撰

佛經精華錄箋注

江蘇廣陵古籍刻印社



佛经精华录笺注

江苏广陵古籍刻印社出版、发行

(扬州市凤凰桥街24-6号)

金坛县第二印刷厂印刷

开本: 1168×850 1/32 印张: 5.4375

1991年6月第1版 1991年6月第1次印刷

印数: 1-1500 广陵编号: 077

定价: (精装1册) 7.80元

影印说明

丁福保，江苏无锡人，近代著名佛教学者。一生致力于钻研佛经，弘扬佛教。他主持编撰出版的《丁氏佛学丛书》影响深广。

本书为《丁氏佛学丛书》之一种。从浩如烟海的佛教经籍中撮取精华，分门别类，略加注释。对所涉及的佛家重要经典，如《楞严经》、《华严经》、《传灯录》、《四十二章经》、《法华经》等，并有简要介绍。『文虽极简，理实贯彻。大藏全书，无量法门，尽在于是。』实为研读佛家经典的入门参考书。本社现据民国上海医学书局铅印本影印。

江苏广陵古籍刻印社

丁氏佛學叢書序

佛先宣尼而生。

佛謂釋迦也。隋書經籍志、釋迦當周莊王之九年四月八日自母右脇而生。○宣尼謂孔子也。孔子字仲尼。史記孔子世家、

應於尼丘、得孔子。魯襄公二十二年而孔子生。○通鑑輯覽、周靈王二十有一年冬十月庚子孔子生。○漢平帝追謚孔子爲褒成宣尼公。北魏時、稱孔子廟曰宣尼廟。○左思詩、言論準宣尼。辭賦擬相如。○按自莊王九年至靈王二十一年凡七十七年。自爲一學。弟子傳其緒論徧於

西土。

隋志、釋迦在世教化四十九年。乃至天龍人鬼並來聽法。弟子得道以百千萬億數。初釋迦說法。以人之性識根業各差、故有大乘小乘之說。至是謝世、弟

子大迦葉與阿難等五百人追共撰述、綴以文字、集載爲十二部。後數百年、有羅漢菩薩相繼著論、贊明其義。

其名句文身。

三藏法數十、一名

身、名卽名字。楞伽經云、名身者、謂依事立名、蓋一名非身、衆名連合、方名爲身。又

唯識論云、名詮自性、是爲名身。名詮自性者、謂諸法自性由名而詮顯也。二句身、

句卽句逗。逗止也、住也。大智度論云、天竺語法、衆語和合成句、如菩薩爲一字、提爲

一字、是二不合、則不成語。若二和合、名爲菩提。又唯識論云、句詮差別、是爲句身。

（句詮差別者、謂諸法差別之相由句而詮顯也。）三文身。文卽文字。爲名句二法所

依。故唯識論云、文卽是字、爲二所依。又楞伽經、名爲字身。謂聲相有長短、音韻有

高下、是

在佛學中、與吾六經聖賢之訓無異也。

漢書武帝紀贊、孝武初立、卓然罷黜百

家、表章六經。注、六經
謂易詩書春秋禮樂也。名物典故何嘗不各有所寄。吾六經聖賢

之訓得有漢諸儒及南北朝經師取次考證。漢魏六朝人經部之著作、今所存者、如漢孔

安國之書傳、毛氏之詩傳、戴德戴聖之禮記、何休之公羊學、鄭康成之詩箋、三禮注、

及易注、箴常育、起廢疾、發墨守、駁五經異義、各輯本。趙岐之孟子注。魏何晏之論

語注。鄭小同之鄭志。晉杜預之左傳注、及春秋釋例。晉范甯之穀

梁傳注。其餘正義所采南北朝諸儒之說。見於孔冲遠進書表中。唐初孔冲遠

之徒萃爲正義。唐孔穎達字冲遠、撰有周易、體幾大備。唯佛經晚出。

譯者僅通其讀。讀音豆、句讀也。凡文字中語絕處曰句、半句曰讀。○韓愈師

○黃庭堅詩、讀爲失句讀。疏通證明、實罕其人。其後雖有音義翻譯名義等

書、後晉釋可洪撰新集藏經音義隨函錄三十卷。唐釋元應撰一切經音義二十五卷。

釋希麟撰續一切經音義十卷。釋慧琳撰一切經音義一百卷。釋慧苑撰華嚴經音

義二卷。宋釋處觀撰大藏經音義三未若漢唐解經、虛實兼濟。蓋岐而

二之、率以達磨禪宗爲主。

佛祖歷代通載十、初祖菩提達磨大師、天竺南印度國香至王第三子也。王薨、師出家。遇二

十七祖般若多羅、付以大法。因問我既得法、宜化何國。多羅曰、汝得法已。俟吾滅度六十餘年、當往震旦國闡化。○以思維直理靜息念慮之法爲宗、名曰禪宗。此宗始於達磨。其法唯靜坐默念、發明佛心爲工夫。達磨在少林寺面壁九年。以無言爲心印。慧可得其心印。五傳至宏忍。自宏忍之下、傳至慧能神秀二大師。慧能之禪行於南地、稱南宗。神秀之化盛於北地、稱北宗。南宗得祖師禪之神髓、而北宗僅得如來禪之迹也。六祖慧能之下、分南嶽青原兩系。南嶽傳於馬祖。青原傳於石頭。而馬祖之下獨盛。其後分爲潯仰、曹洞、臨濟、雲門、法眼、五家。至趙宋而臨濟又分爲楊岐黃龍二派。故謂之五家七宗。 **擯落言詮、理**

趣妙悟。

覺者象傳、達磨尊者居少林九年、欲西返天竺、乃命門人曰、時將至矣、汝等試各言所得。時門人道副曰、如我所見、不執文字、不離文字、而

爲道用。師曰、汝得吾皮。尼總持曰、我今所解、如慶喜見阿閼佛國、一見更不再見。師曰、汝得吾肉。道育曰、四大本空、五陰非有、而我見處、無一法可得。師曰、汝得吾骨。最後慧可、禮拜後、依位而立。 **此亦避難就易之一證。**語師曰、汝得吾髓。乃以如來正法眼囑授慧可。

錄既興。

禪祖之語要、不事華藻、皆以俗談平話宣之、侍者小使、隨筆記錄、名曰語錄。說本象器十五。 **求如道宣贊寧已**

匙。

唐釋道宣、在隋之大業中從智者大師受具戒。唐武德中、充西明寺上座。撰行事鈔戒疏、業疏、續高僧傳、廣宏明集等書。○宋釋贊寧、卽左街天壽寺之通慧大

師。撰有宋高僧傳三十卷。

今吾六經聖賢之訓、謗之者已負意行口行身行

之罪。

法苑珠林、阿闍世王問多舌童女、不殺人、亦不偷盜妄語、何因便墮阿鼻泥犂。

佛語闍王、我所說緣法、有上中下身口意行。意行最重、口行處中、身行在下。案謂謗佛先由意生、述之於口、

佛學在今日中、名爲鑽味者夥。

世說新語、莊子

逍遙篇諸名賢所可鑽味、而不能拔理於郭向之外。○郭璞客傲、徒費思于鑽味。○梁元帝高祖諡議、加以鑽味微言、研精至道。

實則積下諸

籤、欲叩無所。

世說新語、殷中軍讀小品、下二百籤、皆是精微、世之幽滯。嘗欲與支道辯之。竟不得。今小品猶存。

與吾六經

聖賢之訓、同嗤點爲灰塵、而不自覺矣。

干寶晉記總論、蓋共嗤點以爲灰塵而相詬病。

經

學自王輔嗣已壞漢人家法。

世說新語注、引王弼別傳曰、弼字輔嗣、十餘歲便好老莊。通辯能言。○四庫提要、王

弼畫點象數、說以老莊。又曰、易本卜筮之書、故宋派寢流於讖緯。王弼乘其敝而攻之、遂能排擊漢儒、自標新學。○南宋趙師秀詩、輔嗣易行無漢學。

郭子

玄張處度之於子。

世說新語注、引文士傳曰、郭象字子玄、河南人。少有才理。慕道好學。託志老莊。時人咸以爲王弼之亞。象作莊子注。

最有清辭道旨。○四庫提要、晉光祿勳張湛作列子注。據湛自序、其母爲王弼從姊妹。湛往來外家、故亦善談名理。其註亦弼注老子之亞。○張湛字處度。

屏實

鶯華、唯在闌旨。風氣旣開、有響斯應。然兩晉六朝諸僧與通

經大儒、咸能彼我互用。舉足名家。非若今日通以語言文字

爲筌蹄之棄也。

筌，魚筍也。蹄，兔胃也。莊子：筌者所以在魚，得魚而忘筌。蹄者所以在兔，得兔而忘蹄。此當觀宏明集、廣宏明集自知彼我

互用之說。

吾友丁君仲祐，本以經生研精訓詁。

論衡：說一經之生。○張說詩：大塊鎔君品。經生偶聖

時。○江藩曰：說經之道，以訓詁爲第一要事。訓詁通，斯經義自無不通矣。詁者，古言也。謂以今語解古語也。訓者順也。謂順其語氣以解之也。以今語解古語，則逐字解釋者也。順其語氣以解之，則逐句解釋者也。時俗講義，何嘗不逐字逐句解釋。但字義多杜撰。語意影響。與所謂訓詁有別。訓詁者，必古有是訓，確實見之故書，然後引而釋經。不附會，不穿鑿，不憑空而無據。兩漢諸儒，類皆明於訓詁，故其立說切實可靠，不同宋人之以空言說理者。語見經解入門，以下引藩說皆同。

既乃

上究軒岐本經。

○丁復詩：傳家況有軒岐秘。○宋史選舉志：諸科終場，問本

經大義十道。

爲大醫王以救世。

無量義經曰：醫王大醫王分別病相，曉了藥性。隨病授藥。令衆樂服。

又復爲晁

陳目錄之學。

四庫提要：郡齋讀書志四卷，宋晁公武撰。後志二卷，亦公武所撰。始南陽并憲孟爲四川轉運使，家多藏書，悉舉以贈公武。乃躬自讐校，疏其大略，爲此書。又曰：直齋書錄解題二十二卷，宋陳振孫撰。癸辛雜識又稱：

近年惟直齋陳氏書最多。蓋嘗仕於莆田，傳錄夾漈鄭氏方氏、林氏、吳氏舊書至五萬一

千一百八十餘卷。且仿讀書志作解題，極其精詳。云云。則振孫此書，在宋末已爲世所重矣。又云、鄭元有三禮目錄一卷、此名所昉也。其有解題、胡應麟經籍會通、謂始於唐之李肇。案漢書錄七略、書名不過一卷。而劉氏七略別錄、至二十卷、非有解題而何。今所傳者、以崇文總目爲古。晁公武、趙希升、陳振孫、並準爲撰述之式。案目錄之學、至本朝而極盛。四庫總目爲最鉅之一種。○江藩曰、目錄者本以定其書之優劣、開後學之先路、使人人知某書當讀、某書不當讀、則爲易學而成功且倍矣。吾故嘗語人曰、目錄之學、

讀書入門之學也。

今則謝絕一切、顛以箋疏佛經爲業。

隋志、佛經者、西域天

竺之迦維衛國淨飯王太子釋迦牟尼所說。

元史黃澤傳、

蜀人治經，必先古注疏。澤
於名物度數，考覈精審。

漢書河間獻

王傳。○江藩曰。凡說經一字。義必當求其實據。原原本本。叙出來。方爲可靠。若以想當如是之法行之。依稀髣髴。似是而非。此名虛造。

破除障礙考其訓詁。攝以體要。由八大人覺經以下已得十
許種。此身未了。將繼續成之。竟此宏願。眞可謂志大宇宙。勇
邁終古。世說。何次道往瓦官寺禮拜甚勤。阮思
曠語之曰。卿志大宇宙。勇邁終古。謝客云。成佛必須慧業。

邁終古。

世說、何次道往瓦官寺禮拜甚勤。阮思
曠語之曰、卿志大宇宙、勇邁終古。

謝客云成佛必須慧業

文人。

謝客、謝靈運也。梁書鍾嶸傳、謝客爲元嘉之雄。顏延年爲輔。○詩品、王微風月、謝客山泉、皆五言之警策者也。○南史謝靈運傳、會稽太守孟顗、事佛精

懇、而爲靈運所輕。嘗謂顗曰、得道應須慧業文人、生天當在靈運前、成佛必在靈運後。

謝所注經、尙有奇零可考。

謝靈

運金剛經注、尙散見於各家金剛經注解中。

亦箋疏之學也。謝嗤他人謂成佛必在靈

運後。然則流連景響、逐驚虛無者、皆當在仲祐後矣。唐人言

天上無愚懵仙人。

唐沈汾續仙傳、侯道華常好子史、手不釋卷、一覽必誦之於口。衆或問之、要此何爲。答曰、天上無愚懵仙人。

天

下抑豈有不讀書僧徒乎。治佛學者、取仲祐箋註經一一讀

之、庶幾識所歸嚮、毋輕掉機鋒。

宋楊億傳燈錄序、機緣交激、若拄於箭鋒。智藏發光、旁資於鞭影。○蘇軾詩、

機鋒不可觸。又詩、純根仍落箭鋒機。

而云全體在是、則治佛經者猶可名學。否則

皆立無義以救饑爾。

世說新語、愍度道人始欲過江、與一僧道人爲侶。謀曰、用舊義、往江東。恐不辦得食、便共立心無義。既而世道

人不成渡。愍度果講義積年。後有僧人來、先道人寄語云、爲我致意愍度、無義那可立。治此計、權救饑爾、無爲遂負如來也。

而謂不負如來、

如來爲佛十號之一。如者寂然不動。來者感而遂通。此佛之眞性。故稱佛爲如來。○大日經疏一、如諸佛乘如實道、（眞如平等、體離虛妄、故曰如實）來成正覺。今佛亦如是來、故名如來。故

吾不信也。戊午端午節、揚州興化李詳撰。

李先生詳字審言。自署揚州興化人。以別於閩之興化也。箸述等身。名滿海內。與福保相識有年。頗同臭味。福保前輯詩話。先生曾序之。今見福保箋註佛經。慇懃精進。先爲總序以要其成。先生好奇愛博。文語多不經見。因略爲疏之。亦古人注書例也。

戊午端節後二日丁福保識於海上寓廬

佛經精華錄箋註序

楚衡沙門釋道階撰

無言居士黃章箋詁

仲祐先生無錫名族也。學海淵深。

拾遺記、京師謂康成爲經神、何休爲學海。

博綜羣籍。

而於佛理尤有深悟。

有所知覺之謂悟。悟者、悟實相之理也。○法華經方便品、欲令衆生悟佛知見、故出現於世。

近刊

佛學叢書、誓彰像教。

像教同像化、像法之教化也。又佛像與經教也。○唯識述記序、漢日通暉像、教宣而遐被。○元亨釋書二、紹

際像化、闡揚玄風。

如八大人覺

八大人覺經、後漢沙門安清譯。

佛遺教

佛遺教經、姚秦三藏法師鳩摩羅什譯。

四十

二章

朱子曰、四十二章經、最初傳來中國的文字。○後漢迦葉摩騰竺法蘭同譯。

觀音

即觀世音經。妙法蓮華經第七卷之觀世音菩薩普門品也。昔

伊波勤菩薩遊化葱嶺、來至河西。河西王沮渠蒙遜歸命正法。兼有疾患、以告菩薩。菩薩云、觀世音於此土有緣。乃令誦念法華經中之觀世音菩薩普門品、王之病苦即

除。因此普門品別行於世、稱曰觀世音經。此說出
法華經傳紀一。○姚秦三藏法師鳩摩羅什譯。

攝受經。姚秦鳩摩羅什譯名阿彌陀經。
仲祐先生所箋註者、羅什譯本也。

金剛

金剛經爲金剛般若波羅密經之略名。
此經即大般若經中之第五百七十七

卷。前後共有六譯本、互有詳略。最通行者爲姚秦
羅什譯本。仲祐先生所箋註者、即姚秦譯本也。

孟蘭

孟蘭盆經一卷、西晉三藏法
師竺法護譯。○案後世戲劇

中之目連救母、本此。

無量義

無量義經一卷、蕭齊天竺沙門曇摩伽陀耶舍譯。佛說此
經後、即接說法華經。故無量義經即爲說法華經之過度。

普賢經

觀普賢經爲佛說觀普賢菩薩行法經之略名。劉宋闍
賓三藏法師曇摩蜜多譯。此經爲法華經之結經也。

般若心經

唐釋
玄奘

以貞觀三年往西域取經像。行至罽賓國、道險虎豹不可過。奘不知爲計、乃鎖房而
坐。至夕開門。見一老僧、頭面瘡痍、身體膿血、牀上獨坐。莫知由來。奘乃禮拜勤求。
僧口授心經一卷、令奘誦之。遂得山川平易、道路開通、虎豹藏形、魔鬼潛跡。遂至佛
國取經六百餘部、以貞觀十九年還京師。玄奘奉詔譯經後、此經風行到今。見神僧
傳。

各種箋註業已次第弘傳

弘大也。○論語、人能弘道。○妙法蓮華經
弘傳序道宣釋之云、弘傳者、恢弘傳授也。

戊午夏余應金陵

金陵地名、今金陵縣。戰國楚置金陵邑。唐武德三年、更江
寧曰歸化。八年、更歸化曰金陵。九年改更金陵曰白下。五

代楊吳時、置金陵府於此。石晉天福
二年、南唐李氏建都、改爲江寧府。

毘盧寺

毘盧寺原係一小庵。府縣志均未載。
清咸豐間、毀於兵火。後有僧量宏者。

有戒行。初創一佛殿，在督署前。某制軍令遷西華門外竺橋，卽此寺址也。同治十一年曾國荃督兩江。曾帥先與僧海峯有戲約。海峯鎮江人，客湖南。同治間，住南岳齊公岩。有苦行。曾帥遊山，嘉其行。戲謂海峯，如我督兩江，爲汝造庵。海峯卽立誓代九師禮天下名山。曾帥感其誠，既督兩江，卽招海峯擇地。遂與量師商之。寺旣成，不數年遂成巨剎。今江南佛寺，以毘盧寺列於甲等。寺內藏曾帥墨蹟甚夥。海峯師戒行清高，今已七十三歲矣。因寺中供養毘盧舍那佛，故名毘盧寺。○毘盧，毘盧舍那也。亦譯毘盧遮那。○毘盧舍那者，法身佛。虛請開講楞嚴。楞嚴經爲大佛頂如來密舍那者，報身佛。釋迦如來者，應身佛。首楞嚴經之略名。十先生詣書。詣，贈遺也。書，信也。○見贈閱之甚喜。唐殷刺蜜帝譯。左傳，叔向使詣子產書。

蓋所喜者，卽以佛經註佛經，非出一己臆見，俾讀經者開卷

瞭然，誠末世

末世同末代。釋迦如來滅後五百年爲正法時代。次一千年爲像法時代。末後萬年爲末法時代。○法華玄義四，末代凡夫，見思病

重。○往生要集上本，往生極樂之教行，濁世末代之目足也。

衆生

般若燈論，有情者數數生，故名衆生。○大乘義章七，多生相續，名曰衆生。

阿伽

陀藥也。

阿伽陀又名阿竭陀，藥名。或譯作普去，無價，無病。或云不死藥。或云丸藥。○止觀一之五，阿伽陀藥，功兼諸藥。

繼見命撰

佛經精華錄箋註序，以廣流通。余方三復

三復，反復玩味也。○斯論語，南容三復白圭。

編有學者曰藏內藏外

藏大藏經也。

已有法苑珠林

唐釋道世撰。凡百卷。

大藏

一覽

明陳實編。凡十卷。

宗鏡錄

宋釋延壽編。凡百卷。

經海一滴

清世宗皇帝編。凡六冊。

宗鏡大綱

清世宗皇帝選錄。凡二十卷。

等各種卷帙

帙、書衣也。古人之書、皆爲卷子、以囊盛之則曰帙。

不爲不富斯皆

古今大知識

阿彌陀經云、皆是大阿羅漢、衆所知識。○法華文句四、聞名爲知、見形爲識。是人益我菩提之道、名善知識。○法華經妙莊嚴王品、

善知識者是大因緣。所謂化導令得見佛、發阿耨多羅三藐三菩提心。

大居士

在家之佛弟子名居士。如香山居士東坡居士是也。○居士梵語迦羅越。

○注維摩經一、什曰、外國白衣、多財富樂者、名爲居士。○慧遠維摩經疏一、居士有

二。一、廣積資財、居財之士、名爲居士。二、在家修道、居家道士、名爲居士。○嘉祥

法華義疏十一、居士有二種。一、居舍之士、故名居士。二、居財一

纂集大藏

大藏

億、故名居士。○法華玄贊十、守道自恬、寡欲蘊德、名爲居士。

經典、此土譯寫、遠在東漢。纂輯目錄、始於道安。編定函號、肇自開元。鐫板流傳、權

輿唐季。書本私刻、濫觴於宋、而盛行於明。有清龍藏、亦甚浩博。今類伽精舍所校印

之大藏經、凡一千九百一十六卷。

數千卷之精華分門

凡關鍵之處曰門。○別

別

類、相似也。○漢書、上觀飛鳥、下動淵魚、各以類推。

所言之理、不爲不詳、用此奚爲。余曰、

不然衆生根性

善惡之習慣爲根性。○輔行二之四、能生爲根。數習爲性。

樂欲不同。

樂、願也、好也。樂欲者、願求欲

望也。○最勝王經一、一切煩惱、以樂欲爲本、從樂欲生、諸佛世尊、斷樂欲故、名爲涅槃。○孟蘭盆經宗密疏、願者、心之樂欲也。

略之詳之、各

有旨趣。

輔行、旨者意也。歸者趣也。

今先生爲好略衆生說法、故此編皆撮取

大藏洎各纂集部中精華中之精華者、仍分類略加註釋。文

雖極簡、理實貫徹大藏全書、無量法門。

止觀大意、法門無量誓願學。○往生要集上末、法門無盡

誓願知。

盡在於是。但願後之閱是編者、苟於一句一偈悟得心

源。

顏真卿啜茶詩、疏淪滌心源。○方千西湖詩、周迴潤物象心源。○心源、心之本體也。○菩提心論曰、妄心若起、知而勿隨。妄若息時、心源空寂。○止觀曰、心源

一止、萬法同寂。又曰、若欲照知、須知心源。心源不一、則一切諸法、皆同虛空。○四教儀曰、金剛後心、朗然大覺、妙智窮源、名眞解脫。

便能于一

色一香境徹見中道。

天台宗以實相爲中道。華嚴以法界爲中道。○中論偈、因緣所生法、我說卽是空、亦名爲假名、亦是中道義。

佛性

佛者、覺悟也。一切衆生皆覺悟之性、謂之佛性。○華嚴經三十九、佛性甚深眞法性。寂滅無相同虛空。○涅槃經二十七、一切衆生、悉有佛性、如來常住、